

ԱԶԱՏԱԳՐԱԿԱՆ ՊԱՅՔԱՐԸ ԱՎ. ԻՍԱՀԱԿՅԱՆԻ ՔՆԱՐԵՐԳՈՒԹՅԱՆ ՄԵՋ

ԱՎԱԳ ԽԱՉԱՏՐՅԱՆ

Ավետիք Իսահակյանը, շարունակելով հայ նոր քնարերգության հիմնադիր Մ. Պեշիկթաշլյանի «անթերի ու անթառամ բանաստեղծությունների»¹ ոգեղեն լույսի զորությունը և իր ուսուցչապետ Հովհ. Հովհաննիսյանի պոետական խառնվածքի նշանածոները, կրակված սրտով ու անհուն սիրով պատկերեց իր հայրենիքի քաջազունների, ֆիդայիների ու նվիրյալների սխրագործությունն ու անձնազոհությունը: Թվում է Զեյթունի հերոսամարտի (1862) բանաստեղծական հղորդ ոգու արժվային ճախրանքն է թևածում Իսահակյանի հայրենասիրական պոեզիայում:

Մեծանուն բանաստեղծը առաջիններից մեկն էր, որ հայ նոր պոեզիան հարստացրեց ազատասիրական և հայրենասիրական ոգեշունչ երգերով, դարձավ «Հայաստանի երգող սիրտը»² և իր տարաբախտ ժողովրդի ճակատագիրը դարձրեց սեփական ճակատագիր: Երբ ուսումնասիրում ես Իսահակյանի ստեղծագործությունները, նամակները, գրառումները, արխիվային վավերագրերն ու անտիպ նյութերը, հայացքիդ առջև վեր է հանում ազատության ու հայրենասիրության մեծ երգչի տիտանական կերպարը: Դեռևս 1894 թ. Իսահակյանը ինքնաքննադատաբար գրել է, որ ինքը շատ է «փչացել-դառել փչացած մարդկության հարազատ որդին. ես ուժ եմ տվել միայն իմ խելքի զարգացմանը, և զգացմունքս մոռացել եմ... Հայաստանում արյան հեղեղ կա— տաճիկը 8—10.000 հայ մարդ է սպանել, կանայք ու աղջիկներ բռնաբարել ու սպանել, մարդկանց կենդանի վառել, 25 գյուղ ավերել... Գազա՛ն, գազա՛ն մարդկություն... Իսկ Եվրոպան ուրախանում է—նա իր շահերի օգուտն է իսկույն տեսնում այդտեղ... ծափահարում է տաճիկին... Իսկ ինչու՞ իմ մեջ չի վառվում վրեժ—ինչու՞ ես այժմ լպիտի կատաղեմ ու դինամիտով վերջ տամ ամբողջ Եվրոպային...»³, 1894—1896 թթ. հայկական ջարդերը, բնորոշանքների ու օջախների բռնի զավթումը, տեղահանությունը, արտագաղթը այնպես էին շիկացրել ու խոցել հայ գրողների ու մտավորականների ուղեղը, որ նրանք էլ պատրաստակամ էին և՛ զենքով, և՛ գրչով կռվելու համիդյան բռնակալության դեմ, դառնալու հայրենիքի նվիրյալ, վրիժառու և անձնազոհ մարտիկ: Իսահակյանը ծրագրում էր գրել «Օրիգինալ դիրք», որի հերոսները պետք է դառնային Քյոռ-օղլին, Գյոքչեցի Ղազարը, Չոփուռի տղերքը, Դավիթն ու Մհերը: Երիտասարդ բանաստեղծը նույնիսկ ինքն էր զինվորագրվում հայրենիքի ազատաբարների բանակին, փորձում դառնալ գերմարդ, հերոս, նվիրյալ: Այդ բոլորի մասին այնպես հանգամանորեն ու լուսավոր հղացումներով պատմում է նա «Հիշատակարանի» տասնյակ էջերում:

Նախնական մտահղացումների մեջ Իսահակյանը գծում է իր և իր գրքի հերոսների տեսական ու գործնական բոլոր հատկանիշները՝ պահվածքը, իմացությունը, անձնազոհությունը, բնավորության գծերը... «Սուր-հերոս Մանթաշեցի»—հա՛մ իմ հերոսի—իմ անունը⁴: Հետագայում, 1897 թ. մայիսի 13-ի գրառման մեջ, թվարկվում են՝ «Դավիթ, Մհեր, Վահագն, Տորք-Անգեղ, Գայլ-

1 Պարույր Սևակ, Երկերի ժողովածու, հ. 5, Երևան, 1974, էջ 333—336:

2 Ավետիք Իսահակյանի մասին, Երևան, 1971, էջ 27:

3 Ավ. Իսահակյան, Հիշատակարան, Երևան, 1977, էջ 86:

4 Նույն տեղում, էջ 144:

վահան, Աշոտ-Նրկաթ, Կիլիկիայի քաղերից, Քյոռ-օղլի, Դավիթ-բեկ, Աղասի, Կյոթեցի Ղազար, Չոփուռի տղերք, նոր հերոսներից ու ես⁵։ Ճնոր հերոսներից» նա նկատի ուներ Աղբյուր Սերորին, Գևորգ Չաուշին, Անդրանիկին և հայ ազգային-ազատագրական շարժման ուրիշ հերոսների, որոնց պոետը դարձրել է իր բանաստեղծությունների և «Մասսա Մանուկ» վիպասքի հերոսներ։ Իսահակյանը դիմում է առասպելին, բալլադին, լեգենդին, հեքիաթին, այլաբանությունը, տեսիլին ու երազին և դրանց ընձեռած անսահման հնարավորություններով ու ժանրային առանձնահատկություններով կարողանում կերտել դյուցազնական ու ժողովրդական հերոսների կերպարներ, ինչպես նաև փառաբանել հայրենիքի գոյատևման հավերժական արժեքները։

Լեգենդների ու բալլադների իսահակյանական մշակման մեջ ուշագրավ երևույթ է «Եգիթ Սարդար» (Ջուլց Գալոց օրերից) ստեղծագործությունը, որը գրել է 1894-ին Լայպցիգում։ Աշուղի, Սարդարի, Սանամի և խալխի խոհերի, մտորումների ու ապրումների հիման վրա հյուսված բալլադը այդ օրերին Արևմտահայաստանում ծավալվող ժանր մղձավանջի արձագանքն է։

Հերոսապաշտ իսահակյանը ցանկանում էր «հերոսներով զարդարել երկրի կուրծքը», «ստենում էր ամենամտերիմ ու սիրելի անձնավորություններից հերոսներ ստեղծել», «ստեղծագործել հերոսներ, տիեզերքներ, արժիվներ, առյուծներ...»։ Նվ ապա՝ «Սա ուզում եմ արժվի պես կանգնել ծովի ափին, ժայռի կրծքին, լեռան գագաթին—երգել խորությամբ, վշտի, մտորմունքի, ոգևորության ու երազների երգեր... ես չեմ ուզում նստել սոխակի պես վարդի թփին ու երգել տարփանքի երգեր, վշտերի ու տարփանքի արցունքներ... Սա ուզում եմ արժիվ լինել, ես չեմ ուզում սոխակ լինել—ես հերոս եմ...»⁶։ Բանաստեղծի երազները, անուրջներն ու ցնորքները դիպչում էին կապարե իրականությանը, թաթախվում հայկական ջարդերի արյան ծովում, փշրվում կամ ստանում արյան շառագույնը։ Նա փորձում էր «ապագա հյուսել, աշխարհ ստեղծել», մինչդեռ բանաստեղծության սովորական սահմաններն ու ձևերը չէին բավարարում, նա լիաբերան ու լիարժեք չէր կարող ասել ցավագին ճշմարտությունը, ներկայացնել իր ծրագրերն ու գործողությունները... բանտն ու քարոզը պատրաստ էին... Ու հաճախ, երբ դիմում էր առասպելին, այլաբանությանը, տեսիլին, երազին, բալլադին և լեգենդին, նա փորձում էր իրեն ու իր ժողովրդին հուզող հարցերի մասին խոսել առանց կոնկրետ անունների ու իրական փաստերի, խոսել փրկսոփայորեն, մի վերին անիմանալի լեզվով, շատ անգամ էլ՝ այլաբանորեն, բնության ու տիեզերքի երևույթներով շնչավորված ու իմաստավորված։ Նրբամի էլ վկայակոչվում են հեթանոսական-ասպետական ժամանակների ազատության ոգիներն ու քաջազուն մարդիկ՝ նոր ժամանակների հերոսներին ոգեշնչելու, պայքարի տանելու ու ցանկալի աշխարհ կառուցելու համար։ Շէին աշխարհ, խորհրդավոր աշխարհ, մթնոտ ու պայծառ աշխարհ, հրաշալի ու սքանչելի աշխարհ... Խորը և անքննելի աշխարհի <մարդիկ>։ Դուք մեզ պես թույլ, վախկոտ, տափոտ, քնքուշ չէիք, դուք քաջ էիք, ամուր, ահեղ, հսկա՝ երկիրը ձեր ոտքերի տակ դողում էր, իսկ երկինքը ձեր գլխի վրա պսակի պես շողում... Ջարթնեցե՛ք դուք ձեր գերեզմաններից, թող ձեր ուժը փովի մեր վրա, ձեր խորհրդավորությունն ու ձեր ձգտումները, ձեր կրակն ու բոցը թող մեզ տիրե, տաքացնե։ Հի՛ն աշխարհ, փարթամ, հսկա, ահեղի աշխարհ...»⁷։ Հեթանոսական այս պոեթկոմները, անական ուժի ու հզորության, ազատ կյանքի ու վայելչության փառաբանումներն ու ոգեկոչումները նորարար բանաստեղծի խիզախումներն էին, որոնց ուժգին արձագանքները տասնհինգ տարի հետո լավեցին արևմտահայ պոեզիայում, դարձան տիրապետող արվեստ՝ հեթանոսական հոսանք» մկրտությունը։ Ավելին, իսահակյանը այն բացառիկներից էր, որ ոգեկոչեց վաղըն-

5 Նույն տեղում, էջ 235։

6 Նույն տեղում, էջ 164։

7 Նույն տեղում, էջ 231։

չական ժամանակների հզոր ոգիների Ուժը, Զորութունը, Քաջութունը, Կրակն ու Բոցը՝ իր օրերի քաղքենիական, թուլամորթ ու վախկոտ միջավայրը քրն-նադատելու, նորօրյա հերոսներին զինելու, գոտեսպնդելու համար։ Նա չիղեա-լականացրեց հին աստվածներին ու նրանց շղարձրեց գրական հերոսներ, ինչ-պես ուրիշները։ Աստվածային ու առասպելական դյուցազունների ծաղումնա-բանական հրաշքը նա հայտնաբերեց Ազատն Մասսի՝ իր հայրենիքի ներքին ժայթքումից, այդ օրերի ժողովրդական առլուծատիպ հերոսների անօրինակ սխրանքներից ու մեր մեծ էպոսի անմահ կերտվածքից։

Իսահակյանը 1895—1898 թթ. գրել է «Մասսա Մանուկ»⁸ վիպասը, որի առաջին տարբերակն ունի «Դե-Սուլթանն ու Մասսա Մանուկը» խորագիրը։ Հետագայում (1908 թ.) վերամշակել է, հաճախ անդրադարձել այդ ծավալուն գործին (4000 տող է), սակայն մնացել է անավարտ։ Հեղինակի մտահղացմամբ «Մասսա Մանուկը» պետք է լիներ հայ ազգային-ազատագրական շարժման էպոսը, Սասունի դյուցազունների շարքը լրացներ նորօրյա հերոսներով։ Այդ պոեմը հայ դյուցազնիերգության այն սքանչելի էջերից է, ուր հայրենասիրա-կան բուռն պաթոսով, չիկացած զգացումներով ու հրեղեն խոսքերով փառա-բանված են հերոսութունը, ազատութունը, իրավունքը, աշխատանքն ու ստեղծագործող գիրն։ Հիանալի են օգտագործված «Սասունցի Դավիթ» էպոսի ավանդույթները, մի նոր ուժով ու հմայքով են ներկայացված էպոսային թարմ մտածողությունը, արտահայտչամիջոցները։ «Մասսա Մանուկ» վիպասը կա-տարյալ հրավառութուն է, Իսահակյանի տաղանդի մի նոր փայլատակում։ Վիպասի այն հատվածները, որոնք մեր օրերում առաջին անգամ են տպագրու-վել, մեզ հնարավորություն են տալիս որոշակի պատկերացում կազմելու նրա զաղափարական ու գեղարվեստական ակնհայտ արժանիքների մասին։

Արևմտահայ գրուղացիին իր բնօրրանում զբաղված էր խաղաղ աշխա-տանքով, բերք ու բարիքի արարումով... Ի՞նչ պետք է աներ նա, երբ հաճա-խակի բռնադատվում էին նրա իրավունքները, գերեվարում, մորթում նրա հա-րազատներին, գլխատում հիմնական ուժը, դժոխքի վերածում հայոց հին օջախը։ Զինավառ հայ գյուղացու համար հայրենի լեռներն անկողին էին, քա-րերը՝ բարձ, նրա զավակը երգվում էր՝ չքնել, լաճուսնանալ, զոհվել, բայց փրկել հայրենիքը, հարադատներին։ Հայ ժողովրդական հերոսները՝ սարերում թառած արծիվ-ֆիդայիները, դարձել էին ցասում, դարձել վրեժ ու բռնգրվել լեռների խորքում։ Պատկերավոր է գրել այդ մասին Իսահակյանը. «Էն սև ամպն է իմ ծարավս կոտրել, էն սև առյուծն է ինձ կաթ տվել, անտառի ճյու-ղերն են իմ օրորոցը եղել, ժայռի կուրծքը՝ իմ բարձը։—Ո՞վ կարող է պարել ինձ պես՝ հողմի, մրրիկի հետ պարել»⁹։ Արորին, ստեղծարար խոփին փոխա-րինում էր փրկարար զենքը, ժայռեղեն բարձունքներից լսվում հայ ֆիդայի-ների առլուծային մոնչոցը, թշնամու վրա տարածվում դյուցազնական հե-րոսների արծվային սարսափը։ Ազգային-ազատագրական շարժման մեջ գյու-ղացիների վճռական ուժը դարերի փորձ ունի։ Վ. Ի. Լենինը «Ազգերի ինքնո-րոշման իրավունքի մասին» աշխատության մեջ նկատել է, որ գյուղացիու-թյունը, «որպես բնակչության ամենից ավելի թվաշատ և ամենից ավելի «ծանրաշարժ» խավի», ավելի ակտիվորեն է ներգրավվում ազգային ռաբ-ժումների մեջ՝ ընդհանրապես քաղաքական ազատության և մասնավորապես ազգության իրավունքների համար մղվող պայքարի կապակցությամբ»¹⁰։

Անցյալ դարավերջին և 900-ականի սկզբներին Իսահակյանը հայկական մամուլում տպագրել է բազմաթիվ հայրենասիրական բանաստեղծություններ։ Դրանք հայրենիքի ազատության, անկախությանը, անկախությանը և նրա մեծ սիրուն անմնա-ցորդ նվիրված հայ քաջազունների գովքն են՝ կերտված բանաստեղծական շքեղ

⁸ Առանձին հատվածներ տպագրվել են 1920-ին՝ Ա. Զոպայանի «Վերածնունդ շաբա-թաթերթում» «Հատվածներ պոեմայից» խորագրով, 1974-ին 6 հատորյակի 2-րդ հատորում՝ «Մասսա Մանուկ» (հատվածներ անտիպ վիպասից), էջ 110—156։

⁹ Ա. Վ. Իսահակյան, Հիշատակարան, էջ 205։

¹⁰ Վ. Ի. Լենին, ԵԼԺ, հ. 25, էջ 317։

տաղանդով, Հայրենիքի համար քաջաբար ընկած նահատակների արյան գույնները փոխակերպվեցին բանաստեղծական մորկալից ու գիշերադեմ պատկերների՝ Սիամանթոյի, Վարուժանի և ուրիշների հայկական ջարդերին նվիրված ստեղծագործություններում: Եվ գեղարվեստորեն ստեղծվեցին ապստամբ, ըմբոստ, դուրացական կերպարներ, փառաբանվեցին սուրբ, հերոսությունը, նվիրվածությունը և հայրենասիրությունը:

Հայրենիքին, հայոց ազատամարտին և նրա հերոսներին նվիրված Իսահակյանի բանաստեղծությունների մի զգալի մասը «Հայ-գուսան» ստորագրությամբ հրապարակվել է հիմնականում «Դրոշակում», 1899—1902 թվականներին: «Հայդուկի երգերից» ընդհանուր խորագրով այդ բանաստեղծությունների արվեստի ամենաբնորոշ առանձնահատկություններից մեկը երաժշտականությունն է: Ժողովրդական մտածողության պարզ, զուլալ ու անկեղծ պատկերներում, ինչպես արևի հրացուլքում, արտացոլվում են հայ քաջորդիների շիկացած զգացումները, սրտերի զարկերը և հոգեկան կանչերը: Քայլերգային, ռիթմիկ, խրոխտ ու առնական ակորդներին փոխարինում են էլեգիական թախիծով լեցուն, հուզաշաղախ մեղեդիները, վաղնջական ժամանակներից եկող հայրենական-հերոսական ոգեկոշումները՝ լուսապայծառ շեշտերով ու զրնգուն ձայներով:

Հայրենիքի ու մոր սուրբ սիրով լցված հերոսի պայծառ կերպարն է գրծված «Ազիզ մերիկ, քեզի թողի» (1899) բանաստեղծության մեջ: Աշխույժ, ոգևորիչ պատկերներում ցուանում են հայ մարդու նվիրվածությունն ու անձնագոհությունը, ազնվական սարեր, դարդու սարեր» ունեցող հայրենիքին, «առյուծի պես հայ խալստանքին» ուղղված ռազմի կոչը՝ թշնամուն հաղթելու համար: Բանաստեղծության երկրորդ քառատողում («էյ, Սիս-Մասիս, ձեզի մեռնիմ») օգտագործված է «Մասսա Մանուկ» վիպասքի առասպելական հերոսի խոսքը՝ մեծ կովից առաջ¹¹:

Մեկ սիրտ դառնանք, բյուր օտը դառնանք,
Ջուրեմք, փշեմք դաշմունք,
Ջա՛ն, աղբիք. ջան, զարկեմք, զարկվեմք
Մեր-վաթանի ուղուրին...

«Հայդուկի երգերից» հաջորդ բանաստեղծությունը՝ «Հազար բարով, հպարտ սարեր» II, (1900), բերում է հայրենիքի նվիրյալի ջինջ սերը բնաշխարհի ու մարդկանց նկատմամբ: Արծիվ-զինակիցների ձայնն է լսել նա և արծվային թռիչքով էլ սլանում է դեպի հպարտ, հայրենիքի անսասան զորությունը խորհրդանշող սարերը՝ արտահայտելու իր անմար կարոտն ու սերը.

Հազար ձենով, հազար սրտով
Արծիվների եմ կուգամ.
Հողի՛դ մեռնիմ հազար սրտով,
Իմ հայրենի՛ք, մերիկ ջա՛ն...

Ծրրորդ երգը՝ «Ինձ տեղ տվեք, Սիփան սարեր» III, (1900), թվում է ազատության հիմն է՝ երաժշտական հզոր ու առնական ռիթմերով, ազատ ու երջանիկ կյանքի վեհացումներով ու պանծացումներով: Թոթափելով բռնակալի կապանքները և արյան գնով ձեռք բերելով իր ազատությունը, մարտիկը Սիփան սարին է ապավինում իր փրկված կյանքը և բացում ազատության մեծարման ծես:

Մասսից ազա՛ն, Մասսից բա՛րձը ես,
Աշխարհից թանկ. ազատությո՛ւն,
Կյանքի օերն ես, կյանքի տերն ես.
Արծրվի պես բա՛րձը ես բռնում:

¹¹ Ավ. Իսահակյան, Երկերի ժողովածու (այսուհետև՝ ԵԺ), հ. 2, Երևան, 1974, էջ 137—138.
Լրաբեր 9—8

Ազատ, անկաշկանդ ու հոգեկան բարձր տրամադրությամբ ապրող հերոսը կսավառնի իր «ախպրտանց» մոտ, կազատի նրանց «ժանգ շղթաներից», իրա-
րով զորացած ու իրարով լցված կերգեն ազատության ու անկախության երգեր.

Ազատություն, ազատություն,
կյանքի արև՝ ազատություն,
Մասեից ազատ, արծրվից ազատ,
Աշխարհի տե՛ր ազատություն:

Արծրվի պես բա՛րձր ես թռնում,
Մասեից բա՛րձր ազատություն,
Դե՛ռ, կյանքից վե՛ր, դու, լե՛յս-արև,
Ազատություն, ազատություն...

Ազատ ու խաղաղ կյանքը կարելի է պահպանել միմիայն սեփական բա-
զուկների ու զինված պայքարի շնորհիվ: Սուրբ, հրացանը, ռումբը դարձել էին
լինավառ մարտիկների պաշտամունքի ու սիրո առարկաները, որոնք նրանց
հրաշեկ զգացումների մեջ աստվածացվում են, դառնում «սրտի տերը», ան-
զին ու հավատարիմ ընկերը, նրանք սիրած աղջկա փոխարեն հրացանն են
«բոց կարոտով» գրկում, սեղմում կրծքին: Թշնամու դեմ ահեղ կռվի զնալիս
հրացանն է նրան ուժ ու զորություն տալիս, նրանով է նա «փնչում», որո-
տում վրեժ...»: Իսկ ամահուության ճանապարհին, երբ մարտում ընկնի հերոսի
մահով, թող իր ընկերները այդ հրացանով փոս փորեն, նրան էլ իր հետ թա-
լեն՝ որպես իր հարս, որպես համատեղ զոհի «աննենգ ընկեր»: Դաժան է հայ
տղամարդուն բաժին ընկած կյանքի ճանապարհը. մարդկային ջերմ սիրո ու
երջանկության վայելքի փոխարեն զինավառության ու անձնազոհության այս-
պիսի ծանր երազանք («Երբ ես մեծացա, տղամարդ դարձա», «Հայդուկի եր-
գերից» IV, 1900):

Բանաստեղծական հղացման գաղափարաբանական այս լիցքավորումը
դալիս էր ժամանակի շիկացած մթնոլորտից, մասնավորապես Սասունի և մյուս
գավառների հերոսապատումից: Կարծես հազարավոր նահատակների արյան
մրրիկն էր փոթորկել սկզբում Իսահակյանին, քիչ անց Սիամանթոյին՝ վերըս-
տին դիմելու զենքի փառաբանությանը, քաջակորով հայորդիների սիրանքնե-
րին ու մահացածների անմահությանը: Ժողովրդին զինելու բուն նպատակը,
անշուշտ, դաժան ուժիմի դեմ պայքարելն էր:

Հեռավոր Քյուսասխտում (Շվեյցարիա) Իսահակյանը գրել է «Սալնո ձո-
րերում, կռվի ձորերում» («Հայդուկի երգերից» V, 1900)¹² բանաստեղծույթու-
նը, որը հայդուկյան երգերից ամենից սրտակեղեցն ու ցնցողն է՝ հեղինակա-
յին ողբերգական խոսքի լիցքավորումով: Նախորդ բանաստեղծությունները
գրված են առաջին դեմքով, ֆիդայական պարզ, ժողովրդական մտածողության
բացառիկ երանգներով: Դա հնարավորություն է տվել հեղինակին պարզ ձևե-
րի մեջ դնել ըմբոստ ու վրիժառու հոգիների կյանքի հուզիչ դրվագների պա-
տումները, նրանց անմիջական զգացումներն ու տենչերը: Իսկ այստեղ հան-
դես է գալիս բանաստեղծը՝ նույնքան հոգեհարազատ մնալով հայդուկյան բո-
լոր տրամադրություններին: Ժողովրդական հերոսի քաջարի մահը¹³ փոթոր-

¹² Ա. վ. Ի ս ա հ ա կ յ ա ն, Եժ, հ. 1, Երևան, 1973, էջ 136:

¹³ Հերոսական կռիվներով աչքի ընկած Սալնո ձորը տվել է շատ դուրացողներ, տառ-
նյակ հայդուկներ են անմահացել այդ հողի վրա: Նրանց հավաքական կերպարի բանաստեղ-
ծական պատկերումը Իսահակյանի կողմից հասկանալի է: Մինչդեռ, մեր կարծիքով, բանաս-
տեղծի կոնկրետ հղացման հիմքը եղել է Սալնո ձորի ողբերգական կորուստներից մեկի՝ քա-
ջարի Հակոբ Վարդանյանի (Ճարտար, Մուրաթխան) սպանվելը: Վերջինս իր 66 հայդուկներով
1897-ին անցել է Խալթը և Նեմրուքի գագաթին զենք հանձնել իր հորեղբորորդուն՝ Աղբյուր
Սերոբին և Գուրգենին, բացել մեծ զինահանդես... Հայտնի է նրա քաջերի դուրացական կռի-
վը Այնթափի դաշտից մինչև Խալթ (1898) և եղբոր՝ ռես Մխոյի կորուստը: Նույն տարվա նո-
յեմբերին քաջարի Հակոբն ընկավ Ջրհոր գյուղում պաշարման մեջ՝ «մեռավ իբրև քաջ հայդուկ»
4 զինվոր սպանելի վերջ» (տե՛ս «Դրոշակ», 1901, № 6, էջ 107—108):

կել է բանաստեղծին, բայց նա ներքին այրումներով, շիկացած զգացմունքների առնական սանձումով է ներկայացնում կատարվածի ահավորությունը.

Սալեռ ձորերում, կրովի ձորերում
Հայդուկն է ընկել խոր վերքը սրտին,—
Վերքը վարդի պես բացված կամրումն,
Ու ձեռքն է զրցել կռուած հրացանին:
Արևոտ դաշտերում ծղրիդն է ծղրում,
Հայդուկն է ընկել մահվան խոր քրնով.
Հայդուկը հոգում երազ է տեսնում,—
Հայրենի աշխարհն ազա՛տ, ապաճա՛վ...

Հայրենիքի ազատության ու անկախության համար կյանք տված կտրիճի հոգում գծագրվում են վերջին երազները՝ լուսավոր, ապագայի վառվռուն պատկերներով: Պայծառ երազի ու դաժան իրականության տեսիլները ունեն ցավագին ու ցնցող հնչերանգներ.

Տեսնում է... արտում հավն է ջրեկշռեկում,
Փայլուն գերանցին զրնգում է անձ՛ւշ.
Ու փոցիս են քաշում սիրուն աղջկանե՛ք՝
Հայդուկի վրա երգելով անձ՛ւշ...
Սալեռ ձորերում ամպերն են անցնում,
Հայդուկի վրա արծիվն է գալիս.
Ա՛յս, սև աչերը արծիվն է հանում.
Հայդուկի վրա ամպերն են լալիս...

Միայն վեհ ազատության սերը չէ, որ փոթորկել է հայդուկին: Ավերված հայ օջախների ու հարազատներին կորցրած հայրենիքի զինվորը կովի է գնում «հրեղեն ոխը» և «անհատակ վրեժը» սրտում, երազում լինել «մռայլ ճավրոսի ճակատից վիժած կաթակ-հրաբուխ» և շանթելու, փշրելու «թշնամու կուրծքը շար, արյունախանձ...»: Նղիշեական անշեջ պատգամն է վառվում նրա հոգում, շարին հակառակվելու պաթոսը, արդար ու ազնիվ վրեժի ցասումը («Վեհ ազատության սերը չէ մենակ», 1900):

—Ու ա՛նձը է սիրառ, և պիտի պայքի.
Թշնամու զլխուն նա՛ պիտի պայքի...

«Ճամբես արունի հետք թողեր, կերթա» (Հայդուկի երգերից՝ VI, 1900), բանաստեղծության տողերում հորձանք են տալիս ողբերգական պատկերները, անձնուրաց կյանքին հրածեղտ տալու անողոր հառաչները: Արյունոտ ճամփեն, նենգ օձը, սև ագռավները, որոնք խորհրդանշում են զազրելի թշնամու գործողությունները, ուղեկցում են նրան մահվան ճանապարհին... Հայդուկի երազները անկատար են մնացել, իղձերն ու տենչերը՝ կիսատ: Բայց դեպի անմահություն զնացող կտրիճի համար հարազատներին ու ընկերներին ուղղված հրածեղտը մորկալից զգացումների սրտառուչ նկարագիր է.

Է՛հ, մնաք քա՛հե, մեր զա՛շու ու սաբե՛ր,
Ուր քո ու քառք մեր արեւով ներկվա՛վ.
Ինձ էլ չես տեսնի, իմ խեղճ, ազիզ մե՛ր,
Ու գերեզման էլ չես գտնի բնա՛վ:
Կարմիր օրերի անգին ընկերնե՛ր,
Իմ տեղս պանե՛ք, երբ գա՛ք իրա՛ր քո.
Ա՛յս, յարիս ասե՛ք, որ ես է՛լ չկամ,
Ուր լա՛, վրես լա՛ անուշ աչքերով...

Նույն ժամանակ էլ Իսահակյանը արարել է իր հայրենասիրական երգերից մի ուրիշ սքանչելիք՝ «Է՛յ, ջան-հայրենիք, ինչքա՛ն սիրուն ես»¹⁴: Հայրենա-

¹⁴ Ա. Ա. Իսահակյան, ԵԺ, հ. 1, էջ 126:

սիրական հորդաբուխ զգացումները, սիրո և նվիրվածության պանծացումները մի նոր վեհություն են հաղորդում ազատ հայրենիքի բաղձանքներին, ընթերցողին վարակում լուսավոր տրամադրություններով: Փառաբանելով սիրուն հայրենիքի երկնի մովի մեջ կորած սարերը, անուշ հովերն ու ջրերը, Իսահակ-յանը չի մոռանում ժողովրդի ողբերգությունը՝ «մենակ բալբեդ արուն-ծովի մեջ»¹⁵ թանձր բնութագրումով: Ժողովրդական զուլալ ակունքներից եկող նվիրվածության հավաստիացումները, հայրենիքի նկատմամբ տածվող անզուգական սերը նվիրյալ բանաստեղծի արարչագործության առհավատյան են:

Հայոց դատի, ազատության ու անկախության համար ընկած մարտիկների հիշատակին նվիրված բանաստեղծական պատկերներում կորստի ցավագին հառաչներին ուղեկցում են հայրենի երկրի փրկության անկատար երազները: 1896-ի ապրիլի 24-ին կատարված գրառման մեջ Իսահակյանը, խորապես հիասթափված կյանքից և վերապրելով ընկերների ու հարազատների կորուստը, գրել է. «Հիվանդություն, մահ, երկյուղ, սարսափ, սով, քաղց... Մեռավ Մուշեղը, մեռավ Գաբո Ուրեկյանը, մեռավ պաշտելի Ավոն... Մարդիկ, անտարբեր, անզգաս, Կապան... թե՛ր կյանքի վրա և մեռիր... Ա՛խ, Ավո՛, Ավո՛-ես սիրում եմ քեզ, պաշտում եմ քեզ...»¹⁶ «Պաշտելի Ավոյի»՝ Ավետիք Մալոյանի և մյուս նահատակների սերը հավերժ մնաց Իսահակյանի հոգում: Բանաստեղծը մոտիկից ճանաչել է իր հայրենի քաղաքի ուսուցիչ Ավետիք Մալոյանին, որն իր 32 տարեկան կյանքը նվիրաբերեց Արևմտահայաստանի ազատագրությանը՝ անիրագործելի թողնելով իր ծրագրերն ու երազանքները: Վերը նշված գրառումից մեկ շաբաթ հետո Իսահակյանը գրել է. «Դու մի օր, քու անհայտանալուց մոտ մի ամիս առաջ»¹⁷, ինձ ասացիր, իմ պաշտելի՛ ընկեր... «Ստեղծի՛ր մի այնպիսի վեհ և բարձր աշխարհ, որ մարդ կյանքի կեդտից ու աղմուկից հետո գտնե նրա մեջ մխիթարվի ու մաքրվի...—ստեղծի՛ր մի գեղեցիկ բանաստեղծություն»: Եվ ես կատարում եմ քո կտակը, իմ մոռացված, անհայտացած ընկեր, սո՛ւրբ է քո հիշատակը ինձ համար, որովհետև դու ինձոց սուրբ էիր, և քո կտակը, քո պաշտելի անվանն եմ նվիրում, ո՛վ սուրբ ոգի... Սրեկ մեռար, և մինչև այսօր անթիվ դարեր են անցել քեզնից հետո...»¹⁸ Ավետիք Մալոյանի հիշատակին նվիրված Հայ-գուսանի երգը հնչում է որսյես հավերժ հարգանքի ու նվիրվածության սրտառու խոսք: Ողբերգական կյանքի տեսլիային պատկերները ներկայացվում են արծվային ուժի զուգահեռով, մարդկային ջերմ սրտի բաբախումներով:

Համառարած մահերի ու ավերի երկրում, ուր «գարուն չկա հալի համար»՝ «վերքը սրտին»՝ հողի տակ» պառկած անմահներից մեկի՝ Գուրգենի¹⁸:

15 Ավ. Իսահակյան, Հիշատակարան, էջ 227:

16 «Խոսքը Ավետիք Մալոյանին է վերաբերվում, որ Արևմտյան Հայաստանի սահմանն անցնելիս բախնող է եղել» (տե՛ս «Հիշատակարան», էջ 158): Սխալ է ծանոթագրված: Ավետիք Մալոյանը ոչ թե բախնող է եղել, այլ նրան տանջամահ են արել և սպանել սահմանադիր զինվորները՝ քրդերի օգնությամբ: «Հայրենյաց սուրբ գործի քաջարի զինվորը», չնայած ընկերների խնդրանքին, փորձում է գիշերով, հաշվի չառնելով անձրևը, բուքը, անցնել սահմանը, ժամ առաջ լինել տաճկահայերի մոտ: Կյանքում ոչ մի վտանգի առաջ չընկճված հերոսն իր երկու ընկերներով ուժասպառ եղած շեն կարողանում շարունակել ճանապարհը: «Լուսաբացին նկատում են քրդերը և զինվորների օգնությամբ ձերբախլում են նրան իր երկու ընկերների հետ և կողոպտելուց հետո՝ հրացանը հետը տանում են սահմանապահ զորքի հրամանատարի մոտ:—Այստեղ անգլոթ բռնակալները սաստիկ ծեծի տակ մահացնում են նրան: Դիակը հանձնում են նույն Զարաթիլիս գյուղի հայ խանութպանին, որը մի փոս փորելով թաղում է նրան իր բոլոր հույս ու վառ ցանկությունների հետ, իսկ երկու ընկերներին ռանտարկում են» (տե՛ս «Գրողակ», 1896, 15 նոյեմբերի (26), էջ 192):

17 Ավ. Իսահակյան, Հիշատակարան, էջ 230:

18 Գուրգեն Ազուլիսցի (Բաղդասար Մալեյանց) (1878—1899), Տարոնի հայտնի նվիրյալներից մեկը, որն իր խմբի հետ հերոսաբար ընկավ 1899-ի ապրիլի 24-ին, Մուշեղ քիչ հետև, ջրոնք գյուղում:

երազանքն էր հայ ժողովրդի միասնական զինված պայքարը անարգ թշնամու դեմ: Դոդթնցի 26 տարեկան երիտասարդը մատնությանը նահատակվեց՝ մինչև վերջ ցույց տալով հերոսական օրինակ, իր կյանքը նվիրաբերելով Մշո ազատության վեհ դատին: «Դուրգենի անմահ հիշատակին» (1899, ապրիլ—1900, ապրիլ, տարեդարձին) ոտանավորի տողերում թրթռում են հայրենաբաղձ զգացումները, բանաստեղծական հուզիչ խոսքի թախծոտ մեղեդիները.

...Գեա՛, ծիծեռ... բո՛ղ ինձ մեճակ՝

վերելք սրտիս՝ հողի տակ...

Բայց երբ տեսնես թշնամու դեմ

Հայ ժողովուրդ սարի պես

Ձեն՛ք ձեռին հպարտ կանգնած,

Հայե՛ր, լեռնե՛ր իրար պե՛ս,—

Ա՛խ, այն օրը, արե՛, ծըվա՛,

Գարնան գալը նո՛ր կանչե՛.—

Հայո՛ց գարնան, որ քյա՛ւր բարե

Սիրտս խրե՛ն ղողանչե՛...

Հայ ժողովրդական փառաբանված հերոս, «Տարոնի առյուծ» Աղբյուր Սե-
րոբը անցյալ դարի 90-ականի այն դյուցազուններից էր, որին սիրում էին բո-
լորը, երգեր հորինում նրա մասին: Ինչպես Ֆիդայական մյուս հերոսներին,
այնպես էլ Սերոբին կարողացավ հաղթել ռամենազորեղ զենքը՝ մատնու-
թյունը: Լեզենդար հերոսի, նրա սիրելի հարազատների՝ 12-ամյա տղայի՝
Հակոբի և եղբայրների եղբրական վախճանից հետո ցնցվեց ժողովուրդը, ող-
բաց նրանց մահը, վերստին հորինեց սրտառուչ երգեր: Հերոսի հիշատակին
բանաստեղծություն նվիրեց նաև Ավ. Իսահակյանը: Ընտրված է խիստ բնու-
թագրական բնաբան. «...Այսպես վերջացավ մեծ հիացում ու մեծ սարսափ
ներշնչող Սերոբ-Փաշան, ազատության ծարավի, իդեալով տոգորված, միշտ
լավին ձգտող մի բնավորություն... (Դ-ր Վ. Բէլք)»: Դոդթնի երգերից սկսած
մինչև հայոց առասպելն ու էպոսը շունչ ու ոգի են տվել «Սերոբի հիշատակին»
բանաստեղծությանը: Հայ-գուսանը կրակված սրտով հրաշակներով է մեր
դյուցազներգության մի պայծառ էջը, մի նոր ուժով բորբոքել հայ վրիժառու-
ների հայրենասիրական կրակը: Իսահակյանի հերոսապաշտության իդեալն էլ
իր ներքին հրաբխային ժայթքումով արարել է այնպիսի մի ձուլվածք, որն իր
ասքային հետաքրքիր հյուսվածքով ու շողարձակ գույների փայլով գրական
մնայուն արժեքներից է: Բարձրիկ նեմրութի ոսկե դագաթը Վանա ծովի մեջ
ավառ-վառ շողում է. այդպես էլ քաջ Սերոբ-Փաշայի «ազիզ անունը» ժողո-
վրդի սրտումն է փայլում: Նրա սիրանքների գովքն էլ չինջ աղբյուրի նման
թո՛ղ հոսի Դուսանի ասնզարդ երգերում... Ու նեմրութի բոլոր ակներից դուրս
եկող անապական ջրերը հոսում են դեպի Մշո դաշտը, միայն «Աղբյուրի աղ-
բյուրը... խեղճ ժողովրդի սրտին մեջ կերթա—ազատ օրերի, դալար օրերի
ծարավ վաթանի սրտի մեջ կերթա...»: Առանձին բառերի նպատակային փոփո-
խություններով վեցնյակի կրկնելը արված է գիտակցաբար: Իսահակյանը մեկ
անգամ ևս ընդգծում է ժողովրդի և նրա հերոսի փոխադարձ սերը, ֆիդայինե-
րի զորանալը Աղբյուրի «հավերժաճոս ջրից» ու նրա անձնուրաց պայքարի
ոգեկոչումներից: Սարերի արքան՝ Արծիվը, նստել է նեմրութ լեռան ժայռերի
վրա, գահի վրա, կտուցի մեջ մի սիրտ է բռնել, բարձր, զիլ կանչում է, ձայն
է տալիս բոլորին.

—Է՛յ, ականջ արե՛՛ք, հովե՛ր ու հավե՛ր,

Կարիճ Սերոբի սիրուն է կրծցիս մեջ,—

Է՛յ, ականջ արե՛՛ք, ջարե՛ր ու ձոռե՛ր,

Սիրտը, որ ձեզենն բարձրանց կըբռնե՛ր:

Սերոբ-Փաշայի սիրուն է կրծցիս մեջ,

Սիրտը, որ ձեզենն մեծ էր ու խառն էր:

Ու արծվային մտքի ճախրանքով էլ պատմվում են ժողովրդի կողմից սրբազան ճանաչված հերոսի քաջագործություններն ու խիզախումները: Հայ-գուսանի հինավուրց բամբիռի լարերը մերթ պրկվում են, հնչում առնական ու խրոխտ, ցատկոտ ու վրեժով, մերթ էլ հերոսի սիրով լցված՝ քնքշանում, պայծառանում: Երբ նեմուրժ սարից նա հեղեղի նման իջնում էր «վախկոտ, նամարդ» թշնամու վրա, վերջինս փախչում էր սարսափից, չէր կարող «ճակատ առ ճակատ» կռվել: Նրա շվաքը տեսնում, այոթը ծակ էին մտնում: Մինչդեռ նենգություն, մատնություն ու խարդավանքով թշնամին հաղթեց:

Հերոսապաշտությունը Իսահակյանի էությունն էր, ոչ կեցվածքը: Նրա արյան ու հոգու մեջ էլ դա շարունակվեց մինչև «Սիրելի հերոս Ս. Գ. Զաքիյանի անմահ հիշատակին» (1942) նվիրված սքանչելիքը, մինչև իր կյանքի վերջերին գրած «Ա՛խ, ինչքա՛ն, ինչքա՛ն կուզեի լինել» (1955) երազային տեսիլը: Սիրելի հերոսների կորուստը և ազգային աղետների պատճառած վիշտը ցնցում էին նրան, դարձնում ողբերգու, բայրոնյան տիպի մեծ վրշտակիր:

Լուռ գիշերին բանաստեղծի «մտքի դիմաց շատ ստվերներ» են հավաքվում, դրանք բանաստեղծի ընկերներն են՝ «մեռած, կորած», բայց հարազատ ու հոգեմոտ:

...Նրանց աչեքն՝ բաց ու վրեժ
Մառախ խորքը նայեցին.
Սիրտս բաց էր խոր վերքի պես,—

Աճճավասար, զոռ կովի մեջ
Ընկա՛մ, իմ վեճ ընկերներ.
Ա՛խ, ձեռք ջիբիմն իմ սրտումն է,
Իմ վեճ, իմ սուրբ ընկերներ...

Անանուն հերոսների, հայրենիքի նվիրյալների ու մահացած անմահների մասին գրված բանաստեղծություններին երբեմն էլ ուղեկցում են ֆիդայական շարժման կոնկրետ անձնավորություններին նվիրված երգեր, որոնցից մի մասին անդրադարձանք վերևում: Իսահակյանն իրական դեպքերին ու դեմքերին վերաբերող երևույթները անց է կացնում իր բանաստեղծական հոգու քուրայով, գեղարվեստորեն կերպավորում, ընդհանրացնում է և ընթերցողին հանձնում իր հայրենասիրական կրակված սրտի բաբախները: Հայտնի է, որ «դարասկրգ»-ին Սև Քարեցի հուշակավոր Սաքոն Արևմտյան Հայաստան գնալուց առաջ, հայ ժողովրդի ազատագրության համար կռվելու ու նահատակվելու երդում է տվել Գողովորդի՝ ազատարեւ տասնյակ քաջագործություններ ու խիզախություններ: Ահա նրան՝ ձոնած Իսահակյանի երգի քառատողը.

Օրհասի առաջ, կռու զեղաններում
Կռճից շկախվեց զլվաղ երթե՛մ...
Դու զուլալ ազբյուր, դու ռսկի առաղիկ,
Դու երազ էիր սուրբ ազատության:19:

Բանաստեղծը դարասկզբին նույնպես տեսնում էր երգել իր հայրենի «երկնի հետ խոսող» վիթխարի լեռները, արծվի թևածումը վեճ բարձունքներում, մայր ժողովրդի ազատությունը, նրա անձնուրաց հերոսների վեճ գործերը: Մինչդեռ նրա ըզձանքներին ու տենչերին կապանք էին դրել բիրտ ու կոպիտ ուժերը, փշրել սրտի քնարը...

Հայ կաթիլներն երգել կուզեի
Նվ կովի կռք՝ նպարտ ու վայրի,
Սուրբ ազատության տունը հաղթական
Նվ վառ ապագան իմ հայրենիքի:

Դարասկզբին Ավ. Իսահակյանը լցված էր հայրենանվեր գործեր կատարելու մեծ եռանդով, ունեւր վառ երազներ ու բազում ծրագրեր: Ու այդ տարիներին էլ նրա պոեզիայում առնական ու հզոր դիմերով լսվում են Ազատութեան Զանգի երկնասուլճ զոզանջները, ազատութեան հաղթական տոներն ու հայրենիքի պայծառ ապագային նա բերում է իր նոր ազատասիրական երգերը, գովերգում գալիք արշալոյսները:

ОСВОБОДИТЕЛЬНАЯ БОРЬБА В ЛИРИКЕ АВ. ИСААКЯНА

АВАК ХАЧАТРЯН

Резюме

Аветик Исаакян—один из первых поэтов, обогативших новую армянскую поэзию патристическими и свободолубивыми песнями.

В 1899—1902 гг. А. Исаакяном был написан целый ряд патристических стихотворений. Они посвящены в основном национально-освободительной борьбе армянского народа и ее героям. Стихи имеют несомненную ценность и важное значение для исаакяноведения.